

Alekot Hinem Sulat Knino - Good Mind Scriptures

Markus 5:15 Sin nem neu Yesus ma sin nit atoni aniu saes nane antok anbin.

In anpake lek-leko ma in nekan naleko kun. Oke te sin namtau.

Lukas 8:35 Ma ale atoni sin anpoi he nit lasi sa' le anbol. Sin nem neu Yesus ma sin nit atoni le nitu nasaitan in antok bi Yesus In haen; in anpake abtais ma nekan naleko kun. Oke te sin namtaun.

Kisah Rasul-Rasul 17:11 Mes atoni Yahudi bi kot nane naleko' nesi atoni Yahudi bi Tesalonika, fun sin ansimo a'at nane nok nek sinmakat ma neno-neno sin antae Sulat Knino he n ahin nak ale lasi nane anmneo onan ka.

Kisah Rasul-Rasul 20:19 Au tuthae Uisneno nok nek baun. Ma anbi mepu tuthaes au matak oen ansai ma lasi su'at namfau na'ko atoni Yahudi le he namate kau.

Roma 7:25,26 So tulu nekaf neu Uisneno, natuin Yesus Neno Anan, hit Usi.

7:26 Onane te au aetnok neu Plenat Uisneno eki au nek hine alekot, mes au aetnok neu sanat eki au aok ta'uk pah pinan.

Roma 8:6 Fun ta'un pah pinan in lomin nane maten. Mes Smanan Knino nane in lomin nane honis ma halan nekaf nok Uisneno.

Roma 8:27 Ma Uisneno nit hit nekak nanan, ma nahin Smanan Knino In lomin. Fun Smanan Knino antoti Uisneno neu ale to knino namnes nok Uisneno In lomin.

Roma 11:34 Sekau es nahin Usif tunan In nek tenab ka? Ai sekau hen fani afainekat neu In ka?

Roma 12:2 Kais hi mituin pah pinan in lomin. So hi mite'un hi nekam, he nati' hi mihin Uisneno In lomin esle' me. Sa' le alekot, le Uisneno anlomi ma teme kun.

Roma 12:16 Hi moni nekaf mese ma ansaof mese. Kais hi mitenab lasi amnanut, mes hi mibaunom neu ale lasi an-ana. Kais hi mitenab mak hi ahinet ki!

Roma 14:5 Anmu'i atoni le in kius neno es naleko nesi na'ko neno bian. Mes atoni bian sin kius ale neno nane papmese. So ale atoni mes-mese namneo-namneo nateb kun anbi in nekan nanan.

Roma 15:6 he nati' nok nekaf mese ma hanaf mese hi miliatas Uisneno, hit Usif Yesus Neno Anan In Amaf.

1 Korintus 1:10 Bae benu manekat! Au faineck anbi Neno Anan Yesus, hit Usif he nati' hi lomif mese ma hanaf mese; ma kais anmu'i lasi matoes anbi ki. So hi mafut lek-leko he nekaf mese ansaof mese.

1 Korintus 2:16 Fun antui nani anbi Sulat Knino nak, "Sekau es nahin Uisneno In nekan ka, he nat'i' anfainek In?" *Mes hit mu'i Neno Anan In nek tenab.

2 Korintus 7:7 Ka al fa natuin in nem ante, mes natuin lasi halinat le in napeni anbi ki. Fun in aneut kai nak him lomi he mi'euk mok kau; hi mitofa hi nekam ma him lomi he meis kau. Ale lasi nane neik malinat naek neu au nekak.

2 Korintus 8:12 Fun kalu him lomi hem fe, of ansimo sa' le him fe mani, fun him fe natuin sa' le hi mu'i ma ka natuin fa sa' le hi ka mu'i. (1 Chronicles 28:9)

2 Korintus 9:2 Au uhin ulali ki, nak him loim hem tuntaku, ma au uliaba ulail ki neu ale atoni abit Makedonia. Au u'bab neu sin ak, "Bae knino sin abit Akhaya, sin naloitan nalali na'ko ton afinit." Ma hi makoet nane anfain lasi heta neu atoni namfaun.

2 Korintus 13:11 Lasi amsoput bae benu alki! Mimilil nai ma amhataniom he nat'i' hi aom nakninon. So him simo ale au fainekat sin. So hi nekaf mese ma ansaof mese ma hi moni nok halan nekaf. Ma Uisneno, lasi manekat ma halan nekaf in un of anhaek nok ki.

Efesus 4:23 So hi nekam ma hi tenab nafe'unon ok-oke.

Filipi 2:2-5 So hi minokab au nek amlilat anbi ale lasi i: Hi nekaf mese ma ansaof mese anbi lasi manekat, smanaf mese ma lomif mese. 3 Kais hi mo'e ale lasi nane he maim kanaf neu hi aom ma mipeni pules le ka ma'upa fa. So nok nek baun es natenab neu in aon bian naleko neis na'ko in aon. 4 Kais es-es natenab kun neu in aon, mes natenab neu atoni bian amsa. 5 So hi mitenab anbi hi nekam onle Neno Anan Yesus natenab anbi In nekan:

Filipi 4:2 Au fainek bi Euodia, ma bi Sintikhe, he nat'i' sin nekaf mese ma tenab mese anbi hit Usif.

Filipi 4:7 Uisneno In halan nekaf le anfini ale hine, of anpanat hi nekam ma hi tenab anbi Neno Anan Yesus. (Yesaya 26:3)

Kolose 3:12 Hi on Uisneno In to mabeti. In nek ki ma naknino ki. Es nane te hi milile lasi manekat, lasi mahoen, nek baun, nek aklati ma seusabat.

2 Tesalonika 2:2 Kais hi nekam ana'kman ma kais hi nekam na'unu neu beno le aneut ki nak Usif Yesus In neno he nanoebon anfani nem antelen. Beno nane he na'ko lasi mnitas ka, ai lasi noina ka ai natuin sin nak haim tui onane ambi sulat le haim sonu neu ki.

2 Timotius 1:7 Fun Smanaf le Uisneno anfe neu kit, ka Smanaf le anno'e kit het fani amtaus. Mes Smanan Knino nane anno'e kit het fani abe'it, nehenu nok manekat ma nabe'i atpanat aok.

Titus 2:6 Onane amsa anfainek atoni munif sin, he nat'i' sin panat sin aon na'ko ale lasi.

Ibrani 8:10 Mes muni i, Au he mo'e fefbela ok to Israel bi neno-neno amnemat, Uisneno nakua a'an on i, Au he ubela Au plenat anbi sin lolon

ma Au he tui ani anbi sin nekan. Of Au fain Uisneno neu sin, ma sin fain to neu Kau.

1 Petrus 1:13 Es nane, te so hi miloitan nai. Ampanat nai ma mifnekan tetus le of anfe nani neu ki, bi neno Yesus Neno Anan ankoenon nem.

1 Petrus 5:2 Au toti nok matani, he nat'i hi mituku ale bibi kase le Uisneno nana'at sin neu ki. Mituku sin nok nek malinat onle Uisneno anlomi, ma kais nok nek mafena. Ma kais hi mepu he mipeni osaf mes natuin namneo-namneo him lomi hem tuthae.

2 Petrus 3:1 Bae benu manekat! I sulat hae nua le au tui ani neu ki. Anbi au sulat nuasin, au ube'ab nek tenab muti le anbi ki.

Yakobus 1:17 Ale tulu alekot ma atnatas amneot nem na'ko neno tunan ma ansanu na'ko Ama Uisneno Apinat. In ka nabaina fa ma ka nate'un fa In mafon. (Ayub 23:13)

Wahyu 17:9 Anbi lasi i so anmu'i lonef le neki lasi ahinet. Nakaf hitu nane esle' nu'af hitu; esle' ale nu'af bale bife nane antoko. Ma nakaf hitu nane esle' kesel hitu.

Amle'ut Hinem Sulat Knino - Bad Mind Scriptures

Markus 7:21 Fun anpoi na'ko nanan, na'ko atoni nekan le natenab lasi amle'ut esle', lasi kake, lasi bakan, mamaten, (Ezekiel 38:10)

Lukas 12:29 Kais hi mitenab ma mi'unu neu he miah sa' ma minu sa' ma kais hi nekam naklati.

Kisah Rasul-Rasul 12:20 Nai Herodes nato'an atoni Tirus ma Sidon. Es nane te sin nekaf mese ma nao neun. Ma sin anfuli Nai Blastus le anfani nakaf anbi Nai Herodes sonaf hen hake nok sin. Oke te sin antoti hen halan sin fun sin napeni mnahat na'ko Kesel Nai Herodes in pah.

Kisah Rasul-Rasul 14:2 Mes atoni Yahudi le nekan ka nateb, sin nako ke atoni le ka nahin Uisneno sin nekan talan te sin nato'an ale atoni le nekan nateb neu Yesus.

Roma 1:28 Fun sin kan lomif he nahin Uisneno, es nane te Uisneno namautu sin neu tenab amle'ut, talan te sin anmo'e sa' le ka nabe'i he sin mo'e.

Roma 8:6,7 Fun ta'un pah pinan in lomin nane maten. Mes Smanan Knino nane in lomin nane honis ma halan nekaf nok Uisneno. 8:7 Fun ta'un pah pinan in lomin namusu nok Uisneno, fun in ka natuin fa Uisneno In plenat. Ma in ka nabe'i fa he natuin Uisneno In plenat.

Roma 11:20 Leko! So ankeut napoitan sin natuin sin kan palsain fa, mes hi mi'ki natuin him palsai. Kais hi mikmok'om natuin lasi nane, so hi mimtau!

2 Korintus 10:5 Haim iup mani ale atoni pah pinan sin lasi matoes ma mitselab main ale atoni pah pinan sin kot amoko le anmo'e nani he natik

ma nasap lasi hine neu Uisneno. Haim ek ale sin nek tenab nane ma mina'at mani neu Neno Anan.

2 Korintus 11:3 Mes au umtau, kalu hi nekam na'oni oke te hi ka mi'ki amtenif meu Neno Anan. Papmese on afi kauna anfui. Bi Hawa neik in manoen.

Efesus 2:3 Afi unun hit amsa atmoni tok sin, leka hit moni atbi mo'et amolemut ma hit mo'e tatuin hit tenab asanat. Le namneo hai mes mipeni to'as Uisneno onle atoni bian.

Efesus 4:17 Es nane te, anbi Usi In kanan, au u'uab ma au fainek ki ak, kais hi moni amteni onle atoni le ka nahinef Uisneno ma sin natenab lasi butebute.

Kolose 1:21 Hi amsa afi mi'lo Uisneno ma mimusu mok In ambi hi nekam ma hi tenab on nalilon anbi hi mo'et asanat. (Leta Salmon 21:27; Ezekiel 23:17)

Kolose 2:18 Kais atoni nasanab ki anbi hi lasi mabe'ut, le in asafanu ma nabaun in aon ma naluli ma nabes neu ahake neno tunan. Atoni nane sin nanaebok natuin lasi mnitas.

1 Tesalonika 5:14 Haim toti ki amsa, bae benu alki, he nati' hi mikain ale atoni le kan monif nok amneot. Amhalin ale atoni le nekan na'oni. Amtuntaku alima'et sin ma amseusab neu ale atoni.

2 Tesalonika 2:2 Kais hi nekam ana'kman ma kais hi nekam na'unu neu beno le aneut ki nak Usif Yesus In neno he nanoebon anfani nem antelen. Beno nane he na'ko lasi mnitas ka, ai lasi noina ka ai natuin sin nak haim tui onane ambi sulat le haim sonu neu ki.

1 Timotius 6:5 ma lasi matoes le ka oke nitaf. Ale atoni nane sin nek tenab antu'en ma ka namneof. Sin natenab nak of napenin osaf na'ko luli besa knino.

2 Timotius 3:8 Onle afi Nai Yanes ma Nai Yambres le anlaban Nai Musa, onane amsa sin anlaban lasi noina na'ko Usineno. Sin Iolen namle'u nalalien ma sin palsait namnoe nalalien.

Titus 1:15 Fun ale sa', knino neu ale atoni knino. Mes neu ale atoni le sin natenab amle'ut ma kan mu'in fa fnekat, katit fa sa' esle' knino, fun sin tenab ma sin nekan namle'u nalali.

Ibrani 12:3 So hi mimnau In piut, le ansutai lasi matoes nae le'uf na'ko atoin asanat sin. Es nane te kais him limae ma kais hi nekam na'unu.

Yakobus 1:8 Atoni le nek nuaon of kan tainine fa anbi in monin.